

2025 • QUARTER 2 • SOUTHERN ASIA-PACIFIC DIVISION



khangno & khangham
nasepna

**Zankim' Laitak
a Lamdang
Gamlumna**



Kaam'siatna Pan Itna Ngah

THAILAND | April 5

Chhaina

Chhaina in Zeisu Khazih cih min za dah mahmah in, Cambodia gam mi hi-in Pasion umlo hi. Amah hilo-in a innkuan un Khristian biakna mudah mahmah uh hi. Khristian upna a deihlohna uh pen a pu in thakhat thu-in sihsan hi. Chhaina in a pu it lua, ngai lua hi. A pu in a zaknop tangthu tuamtuam gen zel hi. Amau upna ah, “upna kibanglo mi khat tawh a kikhawl mi in siatna thuak ding hi,” cih upna nei uh hi.

Tuahsiatna na tuahleh kuama mawhna hilo-in nang' mawhna hi ding hi, cih uh hi. Chhaina in a pa no tawh hun tapi zangkawm ahih manin a pano a sih ciangin dah mah mah hi. A kua mapeuh in zong Chhaina lungleng mahmah ding hi, ci-in a ngaihsun ciat uh hi. Kamsia kisa mahmah uh hi.

Chhaina nu le pa in cih nading theilo-in gen'thei kisa mahmah uh hi. A neihsate van le nate khat khit khat zuak uh hi, ahih hangin leiba tawh kilawi zolo uh hi. Tua hangin khual hongzin khia uh a, Thai tawh gamgi khua khat ah TV kibawlna company khatah nasemin om uhhi.

“Na nuntakna in lungnop kicin na omlo hi. Kisiatna lam bekbek ma nawh hi. Nang pen a pianglo hilecin hoih ding hi” ci-in a innkuan pihte khatin gen hi.

Chhaina in kum 18 cingkhin hi. SDA Biakinn khat ah guitar sin ding in a lawmte in zawn uh hi. Chhaina in lungkiatna tawh kidim hi. Ahi zongin a lawmte SDA upna nei vive hi-in, Zeisu itna a nei mite ahih man un lungnuam uh hi. Chhaina in ahih leh Zeisu mudah hi. Ahi zongin a guitar sin nuamsa in, a lawmte tawh guitar sin khawm toto uh hi. A sawt ciangin SDA biakinn ah kikhawm dingin pelhlo-in paisuak hi. Tawl khat khitciangin church pastor tung ah lungdam a ko hi. Pastorte nupa in Zeisu thu a genpilh thei uh hi.

Chhaina theihdan le SDA gen' Zeisu thu kibanglo ahih manin lam dang sa hi. Zeisu in mi khem peuh hong it ahihna, mawhna, khialhna tapi nei mah taleng hong it veve ahihna thu a theih ciangin, Chhaina in Zeisu thu a theihbeh nuam sa hi. Zeisu a mudah mite in tawntung siat na thuak ding uh ahihna thu zong a thei hi. Chhaina in Saturday ni sial in SDA biakinn ah kikhawm in pai den hi. Zeisu hong it thei zaw sem ahih manin, Chhaina in tui kiphum ding hong khensat hi. Tui kiphum khitciangin a nu le pate tawh om khawmkik dingin a ngaihsun hi. “Ka innkuante tawh ka kimu nuam hi,” ci-in Topa tungah thungen hi. “Ka innkuante kiang nong tunpibleh ka nuntakna khempeuh Topa nangmah

kongpia ding hi. Nang ma na' bek ka sem nuam hi; milim pasiante ka bia nawn kei ding hi," ci-in nisimin ki-apna nei hi. A thunget ngahpah lo hi. Chhaina in Khristian upna theitel nailo hi. Upna i cih in bang hi, cih thu zong a tel zolo hi. Pupa ngei-na a biakna-ah gamtatna pha siksanan pasian maipha ngah ding hanciam hi. Ama upna in a muanhuai upna, a belh Pasian in a biaktakcing Pasian hi, cih a theito tektek hi.

Tua angin kalsuan toto-in kum khat sung Pasian nasem dingin a kipia hi. Kum khat sung a sepna-ah Pasian in thupha pia-in ompih ahih manin pawlpi thak zong aphut thei hi. Cambodia gam ah French pan missionary nasemin a om mite zong a huh thei zel hi. Zeisu in ka thu nget hong dawng hi, cih ding pawlpi makaite in a sang zo nai kei uh hi. Tua ciangin Chhaina in thungen a, a thungetnate Topa'n a dawng lo hilo hi. "Topa aw, kahih theihzahin nang ma na' ka sem hi. Banghangin ka thu ngetna hong dawnglo nahi hiam?" ci-in thu a ngen hi. Kum nga khit ciangin Chhaina nu le pate in Cambo-dia gamah teeng dingin hong kituah uh hi. A dang pai nading thei lo uh hi. Thai kumpite in a visa uh khan nuam nawnlo ahih manun Thai gamah om theihna ngah nawnlo uh hi. Cambodia hong zuankik uh ahi hi. Neih le lamh bangmah neilo uh hi mah taleh Topa a muanna uh tawh Cambodia hong tung thei uh ahi hi. Inn sap'ding zong tawm uh a, nuntak hamsa sa mahmah uh hi.

Sabbath ni hong tun'sialin Chhaina in a nu le pate kiangah kikhawm dingin a zawn hi. "Nang sum na neih lohpi" ahi zongin i innkuan in i khamkhop ding annek tui dawn hong sikding hi, ci-in Topa a muanna thu a gen hi. Biakinn ah kikhawm dingin hongpai uh a, pawlpi mite in zong Chhaina'te innkuan muakin lungdam mahmah uh hi. Sabbath ni kikhop khitciangin annek khopna zong pawlpi in vai hawm ahih manin Chhaina te inn kuan in tua ni gilvahsa-in inn a zuan thei uh hi.

Zeisu in i kitangsapna khem peuh hong huh hi. Chhaina in nidang in Zeisu thu a zakna panin Zeisu muhdah himah taleh, tu-in Zeisu a it sem sem thei hi. Kum khat khit ciangin Chhaina nu le pa in zong SDA pawlpi-ah tui kiphum dingin a khensat thei uh hi. A nu le pa in tui kiphum ding a khensat ciangin Chhaina in, "Topa in ka thungetna hong dawng taktak hi," cih lungnop na a ngah thei hi. Tu-in Chhaina in itna ngah mi khat hong suak hi. Topa tungah a kamciam mangngilh lo-in Topa na' semding in a kipia hi. Tu-in Chhaina in Asia-Pacific International University ah Lai Siangtho sinin sangkahin a om hi.

Tu quarter Sabbath 13na sumpi in Chhaina sangkahna Asia-Pacific International Universityah kipuak ding hi. 1988 kumin Thailand Mission College ah kipuakin tu-in University lianpi khat hong suak hi



Amah Bek a Nungta Pasion

THAILAND | April 12

Surachet

Surachet in SDA Pawl sangah sangkah sang naupang khat hi. A sangkahna-ah dorm (hall) sungah ka omleh ka biakna ka khel ding hi,” ci-in ngaihsun hi. Ahi zong in Dorm (hall) sung om ding ka ngahleh ka upna ka khel ngei kei ding hi, a ci hi. Surachet in Khristian innkuan khat sung pan a khangkhia khat ahi hi. Ahi zongin a kim a paam mite in Khristian upna a nei lo vive hi. Thai gamah gammi a tamzawte in Buddhist biakna a zui uh hi. SDA sangah sangkah ding a utna a hang in dorn sunga om sangnaupangte pen khual gamla panin hong kah sang naupangte ahih manin amah zong tuate lakah kihel nopna nei hi. Hih SDA sang in ama teenna khua panin tai 600 bang gamlatna Thai gam khanglam khua khat hi.

Surachet in leitung tangthu tuam tuamte a sin thute lamdangsa thei mahmah hi; zong zaknop sa thei hi. Lai Siangtho tangthu sin hun hong tun ciangin genkhohlhnae tang tung ahihna a theih ciangin lamdang sa zaw semsem hi. Leitung tangthute sungah zong Daniel genkhohlhna a tangtunna thute kimu thei ahih manin lamdangsa pha diak hi.

“Koi bangin leitung tangthu le Lai Siangtho tangthu gawm thei ding cih a lunghimawh mahmah hi. Tua bek tham lo-in 1967 kum a leitung

thuthang khat a pawk hi. Hih thu in ni 6 sung kido-na thu hi-in, Israel le Arab gamte kido-na hi-in Arab gamte gallelhna thu hi. Koi bangin Israel gam in galdo siam hi ding hiam? cihthu a thei nuam pha sem sem hi. Israel gam in 1948 kumin gam khatin a ding thei uh hi bek napi, gam neu mahmah taleh galsiam mahmah uh hi, cih thu leitung tangthute in a pulaakna kimu thei hi. Hih Israel minamte koi pan hong khang khia hi ding hiam cih a thei nuam semsem hi.

Tulai Israel le Lai Siangtho sunga a kigelh Israel in kibang hi ding hiam? ci-in a ngaihsun hi. Tua bangin Lai Siangtho tangthu a sinna sungah Israel mite hong piankhiatna thu a kantoto hi. Israel minam tawh kisai Thai laigelh siam khat in a gelh laibu amu kha hi. Tua laigelhpa min in Surachet hi-in hih pa pen Khristian upna nei hi lo hi. Ahi zongin leitung tangthu a kantelna tungtawnin amuh khat laibu ahi hi. Israelte tangthu in kum tul tapi sung bang hi. Surachet in a innkuanpite, a behte tangthu tawh a saikak ciangin Israel mite in tang mi mahmah hi, cih a theithei hi. “Israelte Pasion in a nungta Pasion takpi hi mah ding hiam? cih ngaihsut na hong nei hi.

Lai Siangtho a simna tungtawnin Israel minamte Pasion in a mite

thuum ngetngut a, Ama kiang zuan ding a sam tawntung Pasion ahihna thu zong amu hi. Hih Israel mite in milim tuamtuam bia lo-in a nungta Pasion khat bek mah a bia minam ahihna thu a thei toto hi.

Surachet' ii biakna in milim tuamtuam le pasian tuamtuam bia uh hi. Lai Siangtho thu a sinna sungah Israelte Pasion in a nungta Pasion ahihna le tua Pasion in leitung pasian te bangin khut tawh kibawl hilo hi. Jeremiah 10:10 ah, "Topa in aman Pasion hi; Amah in anungta tawntung Pa hi-in, tawntung Kumpi hi"

Surachet in Lai Siangtho thu sinna Voice of Prophecy ah kihel dingin a min ap hi. Hih VOP in Thai gam sungah kizel kawikawi-in kibawl hi. 1962 kumin Sabbath School sumpi tawh a kipan khia Lai Siangtho gal sin hi-a, mi tampi in phattuumna ngahlawh uh hi.

Surachet in Lai Siangtho thu sinnate nipi kaal khat sungin a zo thei hi. A nungta Pasion upna nei ahih manin tui kiphum dingin a khensat hi. Tua bangin Surachet in tui kiphum ding a khensatna thu a pa in a theih ciangin a pa heh mahmah hi. "Khristian upna zui ding na hileh Khristian innkuante tawh om in. Inn pan na paikhiat kul ding hi, " ci-in a pa in pulaak hi. Tua thu a zak ciangin Surachet a biak ngeingei pasiante in bangmah phattuumna pia thei lo ahih manin a nungta Pasion bek mah biak ding a khensatna a nungkik tuan kei hi. Bang bang ka thuak zongin ka Pasion in hong nusia lo ding hi, cih upna tawh a kalsuan hi.

Tua bangin a khensatna hangin Surachet kisik lo hi. A sangkah zom toto a, BA a zawh khit ciangin MA zong sinto lai dingin a khensat hi. Bek tham lo-in MA a zawh khit ciangin doctorate sinto lai-in, gam mial nasepna tawh kisai doctor ngah thei hi. Sang panin a zawh khit ciang in Pasion nasemin om kawi kawi a, pastor, district makai, departmental director dong tungto hi. A nunung penin AWR Thai tawh thugenna-ah zong nasem hi. Tu-in Asia-Pacific International University ah laihilh khatin om hi. Hih university sangpi in 1988 kumin leitung bup Sabbath school sumpi huhna tawh a kilam hi.


Thai gamah Khristian upna a tun zawh kum 200 val khin hi. Adventist thupuak in ahihleh 1906 kumin tung hi. Kum 100 val khin hi taleh SDA pawlpi mi 16000 val zo nai lo hi. Gam bup milip ii 0.02% in SDA thu um mi hi. Thai gambup mimal vekpi in 70,000,000 val bang pha hi.

SDA upna a sang ding mi hamsa mahmah hi. Mun pawlkhat ah Satan nasepna hat lua hi. "Khristian upna pen ngei-na tawh kituaklo hi," ci-in sang zolo uh hi. Eite do in a kimu theilo khuamial ukna neite tawh a kido ihih manin, khat veivei Satan mahmah tawh a kido ihi hi. Thai-ah Pasion nasem ding mi kisam hi.

Tu quarter Sabbath School 13na sumpi in Asia-Pacific International University ah kipuak ding hi. Hih sangpi panin kum sialin sang naupang tampite in Khazih upna ngah in tui kiphum thei uh hi.

Missionary ahihkeileh Nekzon Nasepna

THAILAND | April 19



Renato

Renato in a omna inn panin zing sang khat manlah takin inn pua lamah taikhia hi. Amah pen kum 36 cing khinin, Seventh-day Adventist volunteer khat hi.

Thai gamah missionary dingin hongpai hi-in Adventist sangah manglai hilhin om hi. Uham khat hong pai-in a ihmu kimlai “Nang kua na hiam?” ci-in a ihmutna pan a pong hi.

Renato in “Sangsia thak khat hi ing,” ci-in a dawngkik hi.

“Koi pan hong pai na hia?”

“Brazil pan”

“Gam la ngel veh ee. Hih sangah laihilh maw?” “Hi mah.”

Tu ni a kipan ka tapa na hi ding hi; na kisap bangbang kong pia ding hi”

Sabbath kik ciangin tua nupi nu in a pasal tungah pulaakna nei hi. “Tu-in nang ka tapa hi hi ta hi. Na nek na dawn’ ding bangmah lung himawhna nei kei in. Nuam nasak bangin om in. Na kisap bangbang hong huh ding hi ung, ci-in a pulaak hi. Nipi kaal nin tawntung Renato in a inn ah hawh dingin sam den hi. “Hong pai in. Ko kiangah an hong ne in” ci-in a zawn den hi.

Tua ciangin tua mipa in “ Bang hong gen peuhmah ding hiam, ci-in a hu ngaih bawl hi. A zingciang a ni 15 ni hong cin’ ciangin tua mipa in Renato tungah “Thai ah nong pai na pen nasem zong ding a hong pai na hiam? missionary sem dingin hong pai na hiam? ci-in a dot ciangin Renato in dawngkik in “ thei nai lo bang semding ka hiam? ci-in a dawngkik hi. “Ka nasep ding hong ngaihsut pih lecin ka ut hi,” ci-in zong a genbeh hi. “Thai ah nasem dingin hongpai na hia? Ahih keileh missionary nasem dingin hong pai na hiam? ci-in a dong kik leuleu hi.

Tua bangin adot ciangin Renato in a bang hangin tua bangin kidong cih thu a theitel khin hi. Thailand gam in teen nadingin gam nuam mahmah khat hi mah hi. Tuipi gei mun hoih nono tampi om hi. Gam i saklam munte in “A nuihmai munte” ci-in kimin vawh hi. Thai gam ah a zin peuhpeuh tungah gam mite in lim takin bawl uh a, khualzin mite in nuamsa thei mahmah uh hi. Missionary sem dingin a pai mite in ze-etna tuamtuam zong phukha thei uh hi. Tua hi-in Renato in bang vai-in hongpai na hiam? ci-in akidot ciangin a dawng thei pakpak kei hi. A ni 16 ni hong tun ciangin Sabbath

ni tawh kituak hi. Renato zong biakinn ah kikhawm dingin biakinn va zuan a, biakinn ah piteek nupa khat in limtakin a na muak uh hi. Tua piteekte nupa tawh kiho nuam hi. Ahi zongin kiho hun ding ngah theilo hi. Amasa-in biak kikhopna-ah panmun neikha ahih manin hopih manlo hi. Kikhopna a zawh ciangin kikhawm teng annek khop na-ah a vai sai dingin kiseh ahih manin hun awng mahmah ngah thei lo suak hi. Biak kikhop a zawh khit uh ciangin inn ciah a , tawlnga ding hun 3:30 tung zel hi. Gimpi-in gim kisa ahih manin tawlngak hun a nei ahi hi. Tua bangin a tawlngak hun sungin Renato phone tawh kihopih nuam hi.

“Ka pa a ci nuamlo hi; ka pa aa ding thu hong ngetsak in” ci-in kiho pih hi. Renato zong atawlngak na mun pan dingkhia pah hi. A gal pan in cina pua mawtaw a paikhia a gal muh hi. Tua khit ciangin tua cina pa si ta cih kigen a za hi. Lamdang sa mahmah hi. “Ka pa hong nusiah khin, ka nu bangci nuntak ding” ci-in a nusiata tate lung himawhna tawh kidim uh hi. Renato in sivui hunbawlna-ah hanthotna khat nei a, tua nutate tungah hih bangin a pulaak hi. “Topa Pasion in i thuak dahna, kahna khempeuh hong mu hong thei Pa ahi hi. Amah a it mite kisapna khempeuh a nawlkhin ngei lo Pa ahi hi.” Sihvui hun bawl khit ciangin Renato in tua nupi nu kem


dingin kamciam a pia hi. Thai gam ah nasem dingin hongpai kahi kei a, Pasion nasem dingin hongpai kahi hi” ci-in a pulaak hi.

Pasion nasem dingin a khensat a kipan na khempeuh ah Topa makaihna a ngah hi.

Renato in kum 36 cing khin hi. A masa lamin Pasion nasem dingin khensat ngamlo himah taleh tu-in Pasion nasem dingin khensat ngam ta hi. Bang thu hangin Pasion nasem dingin khensat na hiam? Bang tanvei nasem dingin khensat na hiam? ci-in a kidot ciangin Renato in a dawng tuan kei hi. Thai hong tun tungin bang semding cih khensatna kician nei theilo himah taleh tu-in Pasion nasem dingin a khensat hi. Pasion in hong sawlna munmun ah ka pai ding a, Ama deihna bangin ka nungta ding hi,” ci-in khensatna tawh a nungta mi khat hong suak hi.

“Thai pan in a paikhia ding hi leng, Adventist Volunteer tawh kizop ding ka ngaihsun hi, ci-in a gen hi. Missionary sem a om Renato aa dingin thungetsak ding kiasm hi. Amah bangin Pasion nasem mi tampite aa dingin zong thungetna kiasm hi.

Tu quarter Sabbath School 13na sumpi in Thai gam ah kipuak ding a, Renato bangin Pasion nasemte panpihna dingin kizeek ding hi.



Thongkiate Suahtakna Ngah

THAILAND | April 26

Renato

Friday ni tak khat Renato in a suah ni (birthday) ciangin a thugen ding a kiginkholh nate etkikna a nei hi. A zingteh a suahni hong tung ding hi-in, kum 36 a cin nading hi ta hi.

Brazil gam mi khat hi-in, Thai gamah kum khat sung laihihlin Pasion nasem hi. A suahni hong tun ciangin pastor in thu genna nei dingin a va cial hi.

“Ka inn panin gamla khualzin kahi hi. Tua hi-in ka suah ni ciang in bang sem ding, bangci bawl ding cih ka thei kei hi,” ci-in pastor tungah pulaakna khat a nei hi. Ka suahni hong tun ciangin thu genna khat hong nei in. Tua bangin ka suahni ka zang ding hi, ci-in a pulaak hi. Ahi zongin Renato in a thu hilh ding thei lian lo-in a sermon ding a zong kawikawi hi. South American Division zumpi omna Brazil panin phone tawh hopihna khat ngah a, Pasion in Renato suahni aa dingin thu khat nei hi, cih a ngaihsun hi.

“Bangkok vanlengtual na thei hiam?” ci-in tua phone panin kihopihna khat a ngah hi. Phone

tawh a hopih mipa ahiehleh South American Division aa Department director khat hi-in, nidangin SDA upna sungah a om ngei hi mah leh a upna a nusia mi khat in van kham pua-in kiman hi, cih thu za uh a, tua mipa va honkhia dingin sawl nuam hih tuak hi. Tua bangin a kihopih ciangin Renato lungsim lawng kha mahmah hi. Hih pen Pasion deihna khat hi ding hi, ci-in a ngaihsun hi. Ahi zongin Brazil gam le Thai gam bel kigamla mah mah mawk ahieh manin, ngaihsut hamsa sa uh hi. SDA a thu zui mi ahi ngei khat in Thai gam sung a kimatna panin a suahtak theih nadingin huh theihding a omkhak leh cihna tawh Brazil gam a om pawlpi makaite lunghimawh uh hi.

“Mat thuak mipa kiangah missionary a sem ding khat mi khat i kiasm hi; va hawhin thunget ding kiasm hi” ci-in a kigen ciangin, Renato in zong huh huaisa ahieh manin a thugen ding nusia phot a, hih thongkia mipa kiangah va hawh dingin a ngaihsun hi. Tua hi-in vanlengtualah hong pai pah vingveng hi. Thai pau lah thei lo hi

mah taleh police tawh kiho thei veve uh hi. Vanlengtual hong tung uh a, ahi zongin bangmah a hih theih om lo hi. Nipi kaal 4, 5 bang hun hong bei toto khit ciangin Renato in phone tawh kiho ding ngah kik leuleu hi. Brazil gam pan sitni khat in a hopih ahi hi.

Hih sitni nu in Bangkok panin a gamla lo mun khat om hi. Renato in thongkia pa kiangah va pai theileh, ci-in a sawl hi. Renato zong a kisawl na bangin thong ah va pai theipah hi. Tua hun a kipan thongah va hawh thei zelzel uh hi. Khat veivei nek theih khat peuh va puak thei zel hi.

Thai mite in voksa le tuipi sung ganhing tuamtuamte duh pha thei diak uh hi. Tua bang ante mah zong thongkiaten zong ne ne thei uh hi. Ahi zongin hih thongkia pa in ahileh bangmah a ne nuam kei hi. Renato in hih thongkia mipa nek theih loh ante tu-in a phawk thei pan hi. Amah pen hun khatlai-in SDA upna a len ngei khat ahih manin sa siang lo kici peuhmah a ne nuam kei hi. Tua a kipan Pasion thu le Ama hong itna thute khawng kikum kum thei uh a, amah bek hi lo-in thongkia midangte in zong sa siang le sa siang lo thu theihtelna ngah uh hi. Thai gam a thongkia

Brazil mipa in tu-in tui kiphum kikhnopna a pulaak ciangin Renato in zong a pastor pa zasakin, thong sungah tui phumna a nei uh hi.

“Thongkia mite lungsim kikhel nadingin thu ka ngen tawntung hi. I thungetnate Topa in hong dawng pahpah lo i sak hun om thei a, ahi zongin lungkia lo-in i ngetnate Topa in hong guaksuak sak lo hi, cih kimu thei hi.”

“Tua bangin lungkia lo-in Thai gam sunga thongkia Brazil mite suahtak nadingin kum nih bang thu a ngen uh hi. Tua in Pasion lung kimna a hi hi. Thai gam bek tham lo-in leitung gam tuamtuam a thongkia mite suahtak nadingin thu na ngen ngei hiam? Tua bang mite aa dingin thungetsakna kisam mah mah hi.

“Taksa thongkia mite suah tak nading a kisap mah bangin mawh na sila hihna panin suahtak ding thupi zaw tham hi.

Tua hi-in Adventist missionary nasem Renato in hotkhiatna thu a puak kawikawi khat hi. Amah tawh kibangin missionary nasem tuamtuamte aa dingin thunget sak na le huhna kisam hi.

Tu quarter Sabbath School 13na sumpi in Southern Asia-Pacific Division ah kipuak ding hi.

Pasian kiang Zuan Khual Zinna

Sau: Khen 1

THAILAND | May 3



Pada

Kum 12 a cing khin Pada in a sanggampa in bang hangin Seventh-day Adventist Pawlpi sungah lut uh hi ding hiam, ci-in a ngaihsun hi.

“Bang hangin Adventist suak nuam na hiam? ci-in a u Morja a dong hi. “Hong zui in na mu ding hi” Morja in ci-in a dawngkik hi. Pada in Morja gen bangin a muang theipah hi.

Pada in a innkuan sungah a khangno moi penpen hi. Bang hangin Morja in Adventist thu-um suak hi ding hiam cih thu a thei nuam mahmah hi.

Morja in ahiehleh a innkuan sungah a u pen a hi hi. Pada in kha thum a phak hunin a pa in sihsan hi. A pa in Adventist pawlpi-ah pawlpi makai khat hi. Amau unau 6 pha uh hi. A pasal nusiak khit ciangin a tate hoih takin a khangpih thei meigong khat hong suak hi. Morja in Pada kitangsapna bang bang a sikh thei hi.

Pada in Morja innkuan sungah kikhelna lianpi khat a mu thei hi. Morja in kum 11 a cingkhin tang valno khat hi-in Pada sangin kum khat u zaw hi. Morja in zi nei dingin khensatna nei hi. A zi nei sawm nu in pasal nei ngei khin

khat hi-in, tapa 3 nei khin khat hi. Morja le a innkuanpihte in voksa ne lo uh hi. Thai gam mual tunga khua khatah a teeng hi-in gul, zusa cihte meh in a zang mite hi. Mual tungah ateeng mite in mi cithei tam lo hi. Kawlgam tawh gamgi khua tapi in zong mual tung veve-ah a teeng uh hi. Morjate innkuan zong nek tawm zong innkuan khat hi. Ahi zongin Lai Siangtho hong hilh bangin “sa siangte bek” a ne uh hi. Morja in Lai Siangtho in duh bang bang ne dingin hong phal lo ahihna thu mite tungah gen thei zel zel hi.

Sunday ni hong tun ciangin Pada in a sanggamte nasep a huh thei zel hi. Gan khawi-na huang gol mahmah khat nei uh a, tua sung ah nasem hi. Lawite, bawngte, le ganhing tuamtuamte anpia, tui pia-in kitak lah mahmah in a om hi. Lo nasep kistem laitak ahieh manin Morja in lo’ ah gante cing theilo hi.

Gamlakah pai-in tua bangin a gante cingin aom hi. Monday, Tuesday, Wednesday, Thursday, le Friday ni cihte-ah tua bangin na semin om hi. Ahi zongin Saturday ni hong tun’ciangin Morja in zing sang nai 5 bangin a ihmtna pan khanglo hi. Inn pua lam a et ciang in khuavak nailo deuh hi. Khuavak ding ngakin, khua a vak ciangin

biakinn zuan dingin a kithawi khol hi. Tua bangin kikhawm ding a gen ciangin Pada bel lungkimlo hi. Ihmu mu nuamlai zaw ahiah manin tholo nuam nailo hi. Ahi zongin a thawh mateng Marjo in a phong ni loh hi. Bang hangin Marjo in Pada zong Adventist thu zui dingin zol zol hiding hiam cihthu Pada in a ngaihsun sun hi. Adventist thu zui mi khat suak dingin a zolna tung tawnin a kikhop nading biakinn zong koi ah kikhawm ding cih dongin a hilh phapha hi.

Pada zong a lupna pan thoto-in Marjo tawh biakinnah kikhawm dingin a kithawi thei hi. zingsang kiallap ne phot uh a, a nek khith uh ciangin Pada in Morja tawh kikhawm dingin hong pai uh hi. Morja zi tawh ta thum nei uh hi. Amau teenna khua-ah Adventist biakinn om lo hi. SDA biakinn a nai pen tai 8 bang gamla hi. Morja in a tano khat tawh biakinn zuan dingin hong pai khia uh hi. Morja zi in a ta nihna pua hi. Pada in a ta u bel tawh hong pai uh hi. A tapa kum 6 cing khin hi. SDA biakinn ah kikhawm dingin nai thum sung khe tawh pai ngait ngiat uh hi. Mual tungah kahto uh hi. Mual tunga buh lei lak khawng kantanin va pai uh hi. Gam lak a lui tui luangte zong en kawikawi uh hi. A tawpna-ah a pai-na uh SDA biakinn va tung thei uh hi. Sabbath School kikhop lapin va tung uh hi.

Biakpiaknate nuamsa mahmah hi. Tua khua- a Adventist pastor in tanu 3 nei hi. A tanute in guitor tum uh hi. Pada in tua bang amuh uh ciangin aman zong guitor tum nuam mahmah hi.

Zeisu le a hong itna thute la-in sa uh hi. Pastor zi in meh lim mah mah nabawl khol a, kikhop khith teh a gamla khua pan kikhawm a paite tawh an nek khopna nei uh hi. Pada in hih SDA biakinn ah a kikhop masak penpen nahi-in, Morja in kikhawm dingin zingsang nai 5 bangin a phot a hang, tu-in bang zahin manpha hi, ci-in a phawk thei pan hi. Sabbath hong tun kik ciangin zingsang nai 5 bangin tho-in biakinn ah kikhawm dingin a kithawi uh hi. Biakinn a tun uh ciangin lungdam mahmah uh a, pawlpi mite in zong nuamsa mah mah uh hi. Pada in tua bang kikhop nate nuamsa mahmah hi.

Pada in tai tampi khe tawh pai-in kikhawm dingin a pai uh ciangin lungkia nuamin hong om hi. Ahi zongin biakinn hong tun ciangin a gimnate a mangngilh zel hi. Thu-um mite tawh kimuh khop ciangin lungdam in nuamsa mahmah hi.

Tu quarter Sabbath Shool 13na sumpi in Thai gamah kipuak ding a, Pada bang mahin upna thu-ah a lungkia mite huh na dingin pawlpi nasep nadingin kizek ding hi.

Pasian kiang Zuan Khual Zinna

Sau: Khen 2

THAILAND | May 10



Pada

Nungkaal-in:

*Kum 12 a pha
Pada in a upipa*

Morja pen Thailand gam ah a innkuan pihte' biakna nusia-in, Seventh-day Adventist pawlpi mi khat a suahna thu lamdang sa hi. Morja in amau innkuan tawh a teenkhopna pan tua thu a theih na dingin amah zol hi, cih i za khin hi.

Pada in a upipa' innkuanpihte tawh Sabbath ni sim, biakinn ah tai 8 a gamla lama pai zawh uh a kha-a simin hong sawt ta hi.

Pada in Morja pen Seventh-day Adventist a suahna thu lamdang salaai-a a haangtheizo naailo hi. Ahi zongin Morja pen Sabbath ni simin citaktakin biakinn ah a kikhop lam ama'n phawkkha ta hi.

Guah zu taleh, khua vot taleh, amau' innkuan pen biakinn ah a gam lapi lam pai-in kikhawm uh hi. Pada in Morja pen ama' sawm a khat le sumpi piakkhiatna ah a cihtak mah mahna a ma'n phawkkha hi. Sabbath ni simin ama'n sumdonna kuang sungah sum pawlkhat khia den hi.

Morja in, "Lungdam kohna tawh Topa Pasian' neihsa sumte Ama' kiangah a ki-aap kiik ahi hi," ci-in geen hi. Pada pen kum 12 a phaak dong, a nu tawh cimawh gen'thei tak in teengkawm uh hi. A upipa tawh a teenkhop ciangin, a upipa'n sum a

kisapzah a zeek theihna ama'n tel siamlo hi. Tua banah Morja pen khat vei nangawn sum zatsam cih bang a neih ngeiloh lam zong phawk kha hi. Ama' inn ah akicing annek tuidawn le adang kisapnate ama'n nei den hi.

Pada pen a upipa' inn ah a om zawh kum 3 cing ta-a, Morja' tapa thumte hong lian ta-in, a dang khua pi neu khat-a Adventist pawlpi sang ah sangkahta uh hi. Morja in a hauh loh uh haangin, a tate aading sang sap piaksak zo hi.

Pada pen khatvei beek sangkah kha ngeilo hi. Tu-in amah kum 15 pha ta-a, sangkah nuam ta hi. Ama'n ama' haksatna thu ngaihsun kawm in, "Morja in Adventist pawlpi mi a suah manin hibang danin a lem hi ding hi. Amah a hauh loh hangin khatvei zong kitang sapna nei selo hi. Ama'n a kicing anneek tuuidawn a neih ban ah, a tapate zong sang kah sakzo lai hi. Ama'n vantung a Pasian a it manin, Topa Pasian in ama' kitang'sapna vekpi huh hi," ci-in lamdang sa lua hi.

Pada' lungtang sungah Topa Pasian' itna in zungkha ta hi. A upi' pa kitang'sapna vekpi ahuh Topa tungah amah ki-aap nuamta hi. Tua manin Topa Pasian kiangah ama' lungtang aap-in, tui kiphuum ta hi.

Pada in amah ahuh ding innkuan pih khat zong a neih loh hangin, kum

17 aphak ciangin Adventist pawlpi sang ah tan'lang pan kipanin sang kah ta hi. Ama'n lai hanciam mah maha, a sangsap ding thalawh in nasep hanciam mahmah hi.

Ama'n tan'sawm a zawh ciang in, mi khempeuh kitang' sapna a huh Topa Pasian' thu midangte kiangah gen sawn dingin khensat hi. Tu-in, Asia-Pacific International University ahi, Mission college ah pilna sin khinta-a, pastor khat suakta hi.

Tu-in, Pada pen Thailand gam ah Adventist pawlpi' pastor le makai khat ahi hi. Ama'n Adventist pawlpi sang ah a kimuhpih zi khat nei-a, tanu thum nei hi. Ama'n a hoih pilna a neih bang mahin, a hoih mawtaw khat zong hawl hi. Ama'n a kicing khasum zong sang hi. Ama'n sawm a khat le sumpite citaktakin piakhia hi. Amau' innkuan in a kicing neek le dawn, puansilh niikteen nei hi.

Ama'n na dang khat peuhpeuh sangin, vantung-a Topa Pasian' thu mi dangte kiangah gen'sawn pen nuamsa hi.

Thailand gam le Kawl gam kikaal gamgi-a om mual tungah a neu' tung' pan akhankhian khuata ah amah va hawh hi. Tua mualtung-a ateng mite zawnglua mahmah uh a, mi tawmcik bekin Pasian um uh hi.

Pada in a khuapihte a piak dingin laai-ip sungah Thai sum bat 50 ahikheileh bat 100 ta guang hi. Tua in sum tampi ahikhei haangin,

amaute muhna ah a manpha letsong ahi hi. Ama'n tua lai-ipte a piakkhiat ciangin, a khuapihte'n maitai takin a mah hopih uh hi.

“Pada pen eite tawh hih mun mah ah tengin khangkhia hi. Ahi zongin, tu-in, ama'n a hoih pilna nei-in, ahoih mawtaw khat a neih ban ah, zat khop ding khasumzong sang hi. Ama' Pasian in amah thupha pia hi. A Pasian in eite'adinginzong thupha hongpia thei ahi maw,” ci-in khat le khat a kigen uh ama'n za kha hi.

Ama'n ama' khuapihte, mual tung a teeng mite'n nikhat ni ciangin Pasian in amaute thupha pia-a, tawn tung nuntaakna aadingin amaute a hotkhiat nopna a theihtheih nading un thungeen hi.

1988 kum, Sabbath 13 na sumpi pawlkhat tawh pastor khat a suah nading in Padain pilna a sinna Asia-Pacific International University ah an neekna innpi khat le adang innpi khat lamna ah kihuh khin hi. Sang naupang khat ahi, Pada in zong an neekna innpi lamna ah huh hi.

Asia-Pacific International University ah pilna a sin Pada leh sang naupang tampite'n Sabbath 13na sumpi huhna a ngah khak bang mah un, tu quarter sumpi in zong kum sawtpi a kimang Pasian' thupha le huzaapna nei ding hi.

Note'n phaltakin sumpi piak khiat ding geel na hih manun lungdam lua hi.

Pasian in Thungetnate Hong Dawng Hiam?

THAILAND | May 17

Somsak

pai den uh hi. Tua khit ciangin sang naupang khempeuh in “Thu ngetna la khat sa khawm uh hi.” Tua lamalte in tua ni aa ding Topa ompihna ngetna le a maipha piak ding thuumna kammalte kimu thei hi.

Somsak in a kum hong cing toto da, amah mah in thungen thei ta hi. Tan Nih a kah a kipanin tua bangin ama thu tawh thungen thei ta hi. Laihilh siate in “Kong it Topa aw” ci-in tua khit ciangin “hong pilsak in” ci-in a thu a ngen hi.

A lawmte khat in “Bitna hong pia in” a dang khat in “Zeisu min tawh thu kong ngen hi,” ci-in tua bangin thu a ngen uh hi.

Sangah tua bangin thu a nget khit uh ciangin Somsak in thunget hong kipanin hi. Nidangin tua bangin thungen ngei lo hi mah taleh tua nin thu a ngen thei hi. Amah pen a tawntungin a hihna khempeuhah dik kisa mahmah hi.

Khat veivei ciangin tua bangin amah le amah dik a kisak hangin lauhuai-na tuamtuum a tuak kha



Somsak in van tung a om Topa tungah thungetna cih thu a zak cil in a naupan hunlai ahi hi. Tua hun lai-in Seventh-day Adventist sang ah Tanlang a sinna panin tua bangin Pasian thu a thei suak hi.

Thai gam mite bangmahin amah zong Khristian upna nei lo innkuan sung pan a khangkhia naupang khat hong suak hi. A innkuanun Pasian thu bangmah theihna nei lo uh hi.

Milim biakna tawh nungta uh hi. Tanlang a kahna sangah zingsang simin thungetna nei den uh hi. Zingsangin a laan-paai-na nei uh hi. A sangkahna in Korat Adventist International School hi.

Sangnaupang khempeuh in tua bangin zingsang tungin gam laan

zel hi. Tua bangin lau-na a tuah khak ciangin, thungen a, “Topa aw, dikna hong guan in. Lau-na panin hong honkhia inla bitna munah hong tunpih in, ci-in thu a ngen hi.

Tua bangin thu a nget laitakin Somsak in Tan 3, Tan 4 khawng sin pan hi. Tua bangin Tan 3 a sin a kipan thungen toto a, Tan 10 a tun dong tua bangin thungetna tawh a kalsuan thei hi.

Tu-in ahihlhe Somsak in kum 16 cing khin a, Tan 10 sinlai hi. Nisimin thungen tawntung khang no khat hi. Tua bangin kum tampi thungen hi. Na thungetna bangzah vei Topa in hong dawng hi, ci-in na pulaak ding a om hiam? 10, 20, 100, ahihkeileh tawmno khat bek maw? Ahi keileh khat zong om lo maw?

“Pasian in ka thungetna hong dawng lo hi, ci-in ka ngaihsut hun om thei zel hi. Tua bang hun ciangin kei le kei ka kimuang kha thei zel hi. Tua bang hun ciangin Somsak in nisimin thungen lo-in om zel hi.

Lai Siangtho sungah Pasian in a mite thungetna dawng lo-in om

lo ahihna kimu thei hi. “Nong sapma-un note kong dawng ding hi. Na kiko-na uh ka hong dawng ding hi” (Isaiah 65:24).

Tua hi-in, bang hangin Somsak in a thungetna Pasian in dawng lo-in ngaihsun hi ding hiam? Pasian in a thungetna dawng hi napi, Samson in phawkkha lo hi thei diam? Samsok sangkahna sanginn ah laihilh siate in i thungetnate Topa in hong dawng hi, ci-in kihilh den uh hi.

Somsak sangkahna Korat Adventist International School in thungetnate Topa in hong dawng lo-in om lo hi, ci-in kihilh uh hi. Somsak bangin nang zong thu na ngen ding hi.

Tu quarter Sabbath School 13na sumpi in Korat Adventist International School ah kipuak ding hi.

Hih sangah Somsak bang mah in laisin sangkah sang naupang tampi om hi. Hih sang panin naupang tampite in hotkhatna thu za thei uh hi. Sangnaupang tampi mah in Zeisu, Honpa Tanpa in a sang thei uh hi.



Zankim' Laitak a Lamdang Gamlumna

PHILIPPINES | May 24

James

James in a innsapna munah a kituah khit a sawt lo-in a vengte nupa khat tawh kiho uh a, “Na innsapna sungah daw om h. Zan sialin gamlum den, ihmu thei lo hi ung,” ci-in a pasal in a pulaak uh hi.

“Inn sung Tengah a kileh kawi kawi, kahlei tungah a kahto a tuak suk khe'ging tuamtuam ka za uh hi; van le nate kia kawikawi cih bangin ka za uh hi, ci-in a pulaak hi. Tua bangin thu a zak ciangin James in lamdangsa hi.

James in daw om lo hi. Tua bangin a kigen hangin lau ding a ngaihsun kei hi. Amah pen sangkahlai sang naupang khat hi-in, Lai Siangtho a simna tungtawn in misite omzia a kipan daw gilote thu theihtelna a nei hi.

Tua bangin dawite nasepnate tungah ukna nei Topa ahihna a phawk semsem hi.

James le a lawmte in sangkah kawmin missionary dingin a kipia khia khangnote hi. Khua tuam tua mah pai kawikawi uh hi. Hih a

pai-na kuate ah gua inn tam zaw hi. Tua bangin kum khat sung bang Philippine gam khua neu tuamtuamte-ah pai-in missionary sem uh hi. A pai-na inn khat pen a tung pen a eng tawh kizut a, a inn buppi ahihleh meikhu mel tawh kizut hi.

James in lupna lumin om hi. Missionary pa in lengla khaan sungah lum hi. Anhuan buk le kisilna buk bel innpua-ah om hi. Tua khua sungah khuapi sunga bangin vanzat nate a nei kuamah om lo hi.

Cell Phone cihte zong a nei kuamah om lo hi. Zan ciangin mei omlo ahih manin meiset zang uh hi. Khua haupipa zong amau zintunna inn gei-ah teng hi.

Hih tuikulh Pasian thu zui mi kuamah om lo hi. Khristian a om sunsunte a mun dangah teng uh hi. Tua a giahna inn gei khatah daw lawmnei khat om hi.

Khristian upna a nial innkuan khat om hi. Khristian thu um kici napi uh daw upna tuah uh a, tua

innkuante tawh James in Lai Siangtho thu sinpiah na nei ding geelna nei a, tua innkuante in a nial uh hi.

Ahi zongin James le a lawmte in Zeisu thu genpiah ding geelna nei veve uh hi. Amau giahna inn panin lasakna, Lai Siangtho simna cihte nisimin nei uh a, tua bangin a neihna tungtawnin tua dawih thu zui innkuante in za thei veve ahih manun tawh khat ciangin tua innkuante in a nungta Pasian thu tampi a thei veve uh hi.

La a sak uh ciangin a aw neih zah tawh lasa uh a, Lai Siangtho a sim uh ciangin zong tua bang mahin aw neihzah sit lo-in ngaih takin sim uh ahih manin a veng a paam khempeuh in zong amau omna ciat tek panin za thei uh hi.

James in hih khua mite in hotkhiatna a san zawh nadingun thungetna nakpi-a nei hi.

Tua bangin Pasian thu tawh nungta ahih manin tua khua mite lau mahmah dawite gamtang

ngam nawn lo hi. Nidangin a zak uh zan ciangin gamlumnate kiza nawn lo hi.

Khua sung khangno tampi in zong hotkhiatna thu sang thei uh a, tui kiphum dingin a pulaak uh hi.

A inn vengte uh zong lungdam mahmah uh hi.

Ni dangin dawite in gamlumin ihmu thei lo uh hi mah taleh James le a lawmte hong tun a kipan tua bang gamlumna cihte kiza nawn lo-in nuam takin ihmu thei uh ahih manun James tungah zong lungdam mahmah uh hi.

Philippine gamah dawih bia mi tampi omlai hi. Philippine gam mite aa ding thungetna kizam mahmahlai hi.

Tu quarter Sabbath School 13na sumpi in 1000 Missionary Movement nasep nadingin kipuak ding hi. Hih 1000 Missionary Movement center panin khangno tampi kipantahin gammial nasep na lianpi kistem khin hi.



Thukhun Tamlua

INDONESIA | May 31

Febiola

Febiola in a suahkhiat ma-in a nu in tuahsiatna khat tuak hi. A nu in a paai zawh kha thum khit ciangin a pasal in sihsan hi.

Kum 18 a phak ciangin a nu in nusia leuleu hi. Kum nih khit ciangin a pi in zong nusia hi. A pi nusiata hangin Febiola dah mahmah hi. A neu tung a kipan a pi kep ahih manin a pi nusiata hangin lamet bei-in a om hi. A pi loh tawh bangci nuntak ding cih ngaihsun thei lo hi.

Febiola in nurse suak dingin sangkah hi. A sangkahna Klabat University hi-in, hallpi sung khat ah om hi. A u nu in Seventh-day Adventist university ah sang kah zaw dingin a hanthawn hi.

“Hallpi-ah om lecin zuih ding thukhun tampi om hi” ci-in a u in pulaak hi. Febiola in tua thukhunte ama aa dingin hoih mah ding hiam cih a ngaihsunsun hi. Tua bangin thukhun tampi zuih ding pen gentheihhuai bangin a ngaihsun hi.

Tua bangin hall pi sunga om sangnaupangte aa dingin thu khun a tuamin kibawlsak hi. Tua thu

khun tampi lakah khat in zingsang le nitak biakpiak na-ah sang naupangte pel lo kihel kim ding cih ahi hi. Tua bek tham lo-in Saturday ni sialin biakinn ah kikhawm a pai ding cih ahi hi.

Ahi zongin Febiola in biakna kici limlim kinin neilo hi. Tua bangin sang thukhun tamlua sa-in a sanggamnu tungah a lungkim loh nate a pulaak theizel hi.

A sanggamnu in paupau kei in la, na sangkah zom toh suak ding ngaihsun in,” ci-in hanthawn thei zel hi. Sang thukhunte in sang nau pangte gim piak nadingin kibawl hilo hi; sangnaupangte phattuum nadingin kibawl hi zaw hi.

Febiola in tua bangin sang thukhunte in phat tuamna hong pia thei takpi mah ding hiam, ci-in a ngaihsun sun lai hi. Ahi zongin University zawh dong kahsuak dingin a khensat hi.

Febiola in a luppiah sang naupangte ahiehle Adventist thu um mi thum tawh a giak khawm uh hi. Hih Adventist thu um mite in thu a nget ding uh ciangin Febiola zong a zawn zel uh hi. Biakpiakna

a neih uh ciangin zong a zawn zel uh hi. Sabbath hong tun ciangin zong biakinn ah kikhawm dingin a zawn leuleu uh hi. Friday nitum biakpiaknate -ah zong a zawn thei zel uh hi.

Febiola in a sangkahna vuah zingsang le nitak biakpiakna-ah kikhop ding cihte hamsa ngaihsun lo bilbel hi. Biakinnah kikhopnate zong nuamsa lel hi. Ahi zongin sangnaupang kimkhat in tua bang kikhopnate ah kihelse lo-in om lel uh hi. Bang hang hi ding hiam cih Febiola in a thei zo kei hi; lamdang sa hi.

A lawmte khat tungah “Bang hangin Saturday ni-in kikhawm i hiam? ci-in a dong hi. A lawm in zong a dawnkikna-ah Saturday ni-a kikhopna a hang na theih nopleh pastor pa kiangah va pai ni, ci-in a lawm in zawn a pastor kiangah va pai thei uh hi.

Febiola in tua bangin church pastor tawh kiho ding a lunglut pha kei hi. Pastor in tua bang ahiehleh phamawh kei, na lawm dangte khat na sawl ning in, amah tawh Lai Siangtho thu sinna nei khawm dingin a geel uh hi.

Klabat University ah sangkah sang naupang khempeuh in biakna tawh kisai laisin khat neih hamtang kul hi. Tua hun hong tun ciangin Febiola in a lawmte tungah a theih nop bangbang a dong theipah hi. Mangmuhna thu sinna hun hong tung hi. A semester kik ciangin sang naupangte in Lai Siangtho thu thuk theihna lungsim takpi tawh a kihilh thute a kantoto thei uh hi.

Tua bangin Lai Siangtho thu thuk sinna a zawh khith uh ciangin Febiola in tui kiphum dingin a khensat hi. A kituiphum a kipan Febiola in lungnopna khat a ngah thei hi. Nu le pa nei nawn lo hi mah taleh Zeisu sungah thu-um mi khempeuh sanggam u le nau suak khin ahieh manin bangmah lung kham nawnlo hi. Hun khat lai-in university thu khunte vangik bang in a ngaihsut hangin tu- in tua thukhunte hangin nopna a ngah thei hi.

Tuma kum 44 vallai-in Klabat university in huhna ngah khin ngei hi mah taleh kitangsapna tuam tuam om lai ahieh manin tu quarter Sabbath School 13na sumpi in Klabat University huh nadingin kipuak ding hi.

Kenmon Ngasa' Sa ahihkeileh Ui Sa?

INDONESIA | June 7



Jhon

a pia hi. Tua numei in lungdam mahmah hi. A an koihna plastic hongin “hih an le meh ka nek theih loh ding hi mawk veh ee” ci hi. Jhon in meh tui duh lo hi.

A an puak ne lo ahih manin a gei-a ui a pia hi. Lamdungah ganhing tam hi. A mawk vak ui hon khat om a, tua uite nek dingin a pia hi.

Tua bangin Jhon in a nek loh a theih ciangin lamdangsa hi. “Bang hangin tua an le mehte ne lo na hiam? ci-in a dong hi. “Tua numei in “Kei pen Adventist thu-um mi khat hi ing,” ci-in a dawngkik hi. Jhon in Seventh-day Adventists upna a theih thu in pawl sang nei uh a, tua bangin nasem pawlpi khat hi, ci-in a thei hi. Tua pen pastor a sep ma hi. Jhon in tua numei tawh a kiho-na tungtawnin a zahtak thei hi. Tua an thu kikum nawn lo-in thu dang hong kikum uh hi.

Tu-in Jhon in tembaw tawh khualzinna khat nei-in pastor ahihlam kuama tungah a pulaak ngei kei hi. Ahi zongin Papua gam in Khristian thu um vive a teenna tuikulh khat hi. Hih tuikulh mite in gunkuang le tembaw tawh khual zin uh hi. Tembaw hawl khat tawh hong kiho- kha a, “Hih tembaw

Jhon in Indonesia gam a om pastor khat hi. Pasion nasem khat ahih bangmahin kitaklah tawntung hi. Papua gam pan Sunday pastor khat in thugenna khat nei a, a thugen zo-in inn lam ciah dingin a kithawi hi. Tua bangin a kithawina-ah thu kup nop khat nei ahih manin tua tuikulh a mite a sam hi. A ciah nading vanleng letmat a dawp ciangin letmat ngah zo nawn lo hi. Tua hi-in ni thum sung a sawt ding tembaw pai ding khat azuih sawm hi. Tua bangin ciahkik ding a geelna tungtawnin a nunzia a khel thu khat hong tuakkha hi.

Jhon in letmat a lei-na-ah a kiman penpen letmat va lei hi. A omna mun a vei le takah midim mang khin hi. A khan lawh ciangin khual zin mite khat le khat kiho-na a za hi. Jhon in a gei-a tu numei khat taw kiho uh hi. Hehpihna nei-in, Jhon in a nek ding an tua numei

tungah pastor a omkha hiam? ci-in a dong hi. “Thu hong ngetsak dingin ka deih hi,” ci-in a pulaak hi. Jhon khualzin nunung bel a pai na-ah tembaw hawlpa in dotna khat nei hi.

Tua bangin tembaw hawlin a pai laitakin tembaw tuang mite tungah kamvaikhakna khat nei-in tua mite in zong thungetna, Pasian phatna a nei ngei ngai uh hi.

Ingrid in lamdangsa-in a om hi. Bang hang hiam cihleh pastor suak dingin thusinna nei ding cih za hi. Hih thu hangin tua numei in hopih nuam lo hi. A tuanna tembaw kisiat na hangin Jhon in phone tawh hopih ding a zong kawikawi ding in a sawl hi. Tua bangin a sawlna thu a mang nuam kei hi.

A sawt ciangin Adventist thu-um mi khat tawh kiho dingin a gen hi. Hih SDA thu-um mite in Sabbath nisialin kikhawm ding uh hi, cih a zak ciangin Jhon zong kikhawm dingin amah tawh hong pai uh hi. Tua leh a lamdang khat hong piang hi. Tua bangin Sabbath ni-in kikhawm den ahih manin Sunday ni-in a kikhop ding a ut nawn kei hi.

A diakdiak in biakinn ah kikhawm bek tham lo-in thu gen dingin sawlna a ngah ciangin a kikhop ding a thadah semsem hi.

Tua hi-in mun dang khatah kikhawm zaw dingin a ngaihsun hi. A pawlpi mite kiangah SDA pawlpi-ah tui kiphum ding a a pulaak ciangin a khasum khan ding a pulaak uh hi. Jhon in sum tawh zolna thuk ahihlam a kithei hi. Tua bang laitakin Lai Siangtho bek mah muangin simsim a, SDA suah ding pen Pasian deihna khat hi ding hi, ci-in ngaihsutna khat a nei thei hi.

Ni 7 ni in tawlna-in Pasian biak ni ding hi, cih Lai Siangtho hong gen ahih bangmahin Pasian deihna hi, cih a muang semsem hi.

Kum thum khit ciangin gun kuang tawh a zin kawikawi khit ciangin Ingrid tawh a kiteng uh hi. Tu-in Jhon in pastor sem dingin Klabat University ah Lai Siangtho sangkahin a om hi. A zi Ingrid in sa sianglote ne lo-in, ama hangin Jhon in SDA thu-um mi hong suak thei hi.

Tu quarter Sabbath 13na sumpi in Papua Adventist Theology College ah kipuak ding hi. Hih college in 1981 kumin sumpi huhna ngah ngei khin a, tu-in college kisapna inn tuamtuamte lam nading, laibu saal, sang naupangte giah nading inn le classroom kisamte lam nadingin kizeek ding hi



Biakinn Neilo Khuapi ading Thungen

INDONESIA | June 14

Jerry

Naupang ahihna zui-in Jerry in a pa tawh khualzin nuamsa mah mah hi. Indonesia gam khua khat khit khua khatah pai kawikawi uh a, pawlpi mite kiangah vahawh uh hi. A pa in Adventist pastor ahihna hangin Adventist om lohna khua te-ah a pai man kei uh hi.

Pawlpi mite kiangah hawhna tawh a hun bei toto hi. A pa in tua bangin Adventist om lohna khua-ah a pai man loh hangin tua khua ah Adventist thu-um mi a om naangin thungetna hih bangin a nei hi: “Topa aw, hih khua thupha pia inla, hih khua sungah Adventist thu-um mi khat peuh mah hong om sak in” ci-in thungen hi.

Tua bangin a thunget khit kum 5 ciangin Jerry in a thungetna mu takpi ih. SDA om lohna khua khatah SDA thu-um mi hong om thei hi. Khua dang khat leuleu-ah zong kum 20khit ciangin SDA

biakinn khat kilam thei hi. Jerry in a pa khekhap zui-in amah zong Adventist pastor khatin hong om hi.

Sentani Buai ah pawlpi mite kiangah hong pai khatin tua khua kim mun khatah SDA biakinn khat mah kilam ahihna thu a theih ciangin tua khua-ah va pai dingin a khensat hi. Hih kimtengah SDA thu-um mi om nai vet lo a theih ciangin tua khua-a om Yoboi gunkuang kawmin pai kawikawi-in Adventist upna thute a pulaak hi. Jerry in a pa bang mahin SDA pawlpi omnai lohna khuate-ah pai ding hanciam mahmah khat hi.

Tua bangin gun tungah a pai laitakin Yoboi tungah “na khawl pak dih” ci-in khawl dingin gen a, Yoboi aa dingin thungetsakna khat a nei hi. “Topa aw, hih khua mite thupha na pia in. Hih khua-ah ni khat ni ciangin SDA thu-um mi hong om theih nadingin nangmah mah in na hong sem in” ci-in thu a nen hi.

Hih khua-ah khua sung upa khat in Israel gamah va zin ngei khat hi. Tua bangin Jerry in a

thunget khit kha nih ciangin Thonce min khat khat in a khual zinna Jerusalem, a giahna hotel kongkhak panin khuapi sung a en kawikawi hi. Tha khat in a gin ngaih mahmah khat za-in mawtawte zong nawhtakin tai amu hi. Tawl khat khit ciangin khua sung khempeuh gamdai mah mah in a om hi. Thonce in tua ni pen Friday ni ahihlam a thei hi.

Nitak nai 5 bang cing khinin, Jew mite in a nasepna ciat tek panin tawlna-in biakpiakna nei dingin biakinn zuan ciat uh amu hi. Papau gam a om Adventist thu zui mi tampite in zong Friday ni tum panin Saturday ni tum ciang dong bangmah sem lo-in biakinn ah biakpiakna nei ahihna a phawk kik hi.

Bang hangin Adventist thum mite in zong Jew mite bangin Friday ni pan Saturday ni tum ciang dong nasem lo-in biakpiakna nei uh hi ding hiam ci-in ngaihsut khat hong nei hi. Ka pawlpi upna -ah zong Pasion biak ding mah hi, ci-in upna nei hi.

A khualzinna panin inn hong ciah kik ciangin a vengte SDA inn khatah va hawhin a vengpa in Pasion thugenna khatah thu va

ngai dingin a zawn hi. Thonce zong tua munah thungai dingin va kikhawm hi. Tua a kikhopna mun panin Thonce in Lai Siangtho hong hilhna thute theihtelna hong ngah toto hi.

Lai Siangtho hilh bangin Saturday ni nasepna pan tawlna-a biakpiakna nei dingin a zi tawh a khensat uh hi. A kituiphum khit uh a sawt lo-in Jerry in Yoboi teenna khua-ah hawh dingin hong pai uh hi. Yohoi le a lawmte in a inn vuah kikhawm uh hi.

“Ka pa hong nusiak gamh hoih mahmah khat ka ngakhka hi, cih ka thei hi, ci-in Jerry in a pulaak i. Tu-in amah pen Klabat University Pawlpi-ah pastor khatin om hi. Yoboi teenna khua aa ding thu nget sak ni. Hih tui kulh khuate-ah SDA biakinn a kilam zawh nadingin thungen ciat ni.

Tu quarter Sabbath 13na sumpi in Papua ah kipuak ding a, Papua Adventist Theology College ah kipuak ding hi. Hih college ah kitangsapna tuamtuum tampi om lai ahih manin huh nadingin kizeek ding hi. 2019 kumin tuiciin hangin Papua campus sung khempeuh kisia mang khin hi.

Gamlak a Nalamdang, Khen 1

INDONESIA | June 21



Army

Numei no khat in gam lakah kihong pawl sangah sangkahin om hi. Hih gamlakah Armi min nei siavuan khat a om hi. Tua bangin cinate a khoi kawikawi hangin zatui tawh kisai sinna bangmah neilo hi. Deihsakna tawh cinate a khoi a kem hilel hi. Amah pen damsakna lam tawh missionary sem khat hi.

Hih gamlak a om sangah sang kah dingin naupangte a hanthawn den hi. Tua bangin naupang tuam tuam tawh a kiho-na panin nupi khat lampai thei lo cih a za hi. Tua thu a zak ciangin a lawmte kiang ah pulaakin nai 8 sung pai bang nading mual tungah khua khatah va pai dingin a khensat uh hi.

Armi le a lawmte in hih khua hong tung uh a, tua khua inn khat sung hong lut uh hi. Hih inn pen bi inn khat hi-in, inn sungah a lupna tungah kap in a om nupi khat va tuak uh hi. Nupi nu khuk ah meima khat om in , tua meima hangin kap hi. A hopih nop uh hangin pau kithei lo tuaktuak ah

manun kiho thei lo uh hi. Khut tawh kilak uh a, singkung khat pan khia suk in tua bangin a khuk liam ahihlam a thei uh hi.

Kum 7 bang sawt khin ci-in pulaak hi. Hih khua panin siavuan omna mun in gamla mahmah hi. Zato kah nading cih pen a baih lo khat hong suak hi. Tua bangin singkung tung pan a khat khit ciangin a pasal in nusia-in taisan hih tuak hi. Hih nupi in ta 4 nei hi.

Army le a lawmte amuh ciangin nupi nu lungdam mahmah hi. Lamet bei-in a om laitakin lametna khat hong ngah thei kik suak hi. Hih nupi in Army le a lawmte tung panin lametna lianpi khat a nei hi.

Lam ka pai theih nading hong huh in” ci-in a thuum hi. Armi le a lawmte in len kawmin inn pualam ah a pusuahpih uh hi. Damna Mangpa tungah damna a ngen khawm uh hi.

“Topa aw, ciimna hong pia in,” ci-in Armi in a pulaak hi.

“Zatui zaha bangmah theihna neilo ka hih hangun hih nupi natna te hong damsak in” ci-in a ngen uh hi.

Inn sung a lutpih khit uh ciang in Armi le a lawmte in a liamna

limtak a silsiangsak uh hi. Khua lum veve ahih manin khua-ul kaai keei-in tua bangin nupi nu meima a bawlsak uh hi. A liam'mate koi cih leng hoih ding hiam,ci-in a lungkham uh hi. A veng a paamte uh kiangah dot theih dotmawh dongin ahih theih bangun a bawl sak uh hi.

Tua bangin a meimate a silsiangsak khith uh ciangin Army le a lawmte in Zeisu thu a hilh uh hi. Na natna hong damsak thei ding khat bek om hi. Tua in kuamah dang hi lo hi; Zeisu Khazih ahi hi, ci-in a hilh uh hi. Numei nu in a gen thute uh a theithe sam hi.

Zeisu thu a zakcilna ahih manin lamdangsa mahmah hi. Tua khua mite khat beekbeekin Zeisu thu a za ngei nai kei uh hi. Tua khua mite in damlohna khat peuh a neih uh ciangin dawithoih limzat mahmah uh hi.

“Zeisu thu peuh mah ka thei ngei kei hi,” ci-in a dawngkik hi. “Ahi zongin ka natna hong damsak thei peuhpeuh ka um ka sang ding hi,”ci-in a pulaak hi.

A meimate a silsiang khith uh ciangin Armi in ama bawltawm zatui, meihol le Vitamin C gawm khawmin a bawl a pia hi. Thungen masa uh a, tua khith ciang in ne

dingin a pia hi. Nupi a khitui luang amuh uh ciangin Army le a lawmte patau mahmah uh hi. Bang thu hangin khitui luang hi ding hiam, ci-in a dot uh ciangin Nupi nu in tua bangin thunget za ngei lo, tua thungetna lamdangsa-in a lungsim lawngkha-in a khitui luang ahihlam a pulaak ciangin Army le a lawmte lungnuam thei zaw deuh uh hi.

Thu ngenin na om uh ciangin vanglian khat in hong ompih hi, cih ka phawk uh hi, ci-in a pulaak hi. Army in a meimate vel a, a meima khempeuh damsang ahih na a mu ciat uh hi. Tua bangin a natna panin damsangna a ngah ciangin nupi nu zong lungdam nuam lua mahmah hi. Inn a ciah kik uh ciangin nai 8 bang lamsiau uh hi. Lampi ah a pai kawm kawm un thungen uh hi. Phone lah ngah lo uh a, phone ngahna mun khat panin a hopih kik uh ciangin a mei ma damsak ahihlam a thei uh hi.

Mai Sabbath in quarter cin ahih ciangin sumpi khat ngei a zah thum khia dingin kiging ciat dingin i kihanthawn hi. Tu quarter Sabbath School 13na sumpi in Indonesia gam PapuaAdventist Theology College puah nadingin kipuak ding hi.



Gamlak a Nalamdang, Khen 2

13th SABBATH | June 28

Armi

Nung Sabbath ni-in missionary sem a om

Armi thu i za khin zo hi. Amah pen Indonesia gam Papau College ah sangkahin khe tawh nai 8 bang mual tung khua khatah a khual zinna-ah nupi dam lo khat a donna thu i za khin hi. Amah le a lawmte in tua numei tungah Zeisu thu a genna tungtawnin tua nu in zong hotkhiatna thu a um thei hi.

Zeisu in Damna Mangpa ahih na a pulaakna thu zong i za khin hi. Tua khit ciangin Army le a lawmte in tua nu aa dingin zong thungetna a nei uh hi. Zatui zaha bangmah a piak theih loh uh hangin amau kep sunsun meihol vui le Vitamin C gawpin a pia uh hi. Tua zawh a sawt lo-in tua nu natna dam ahih lam a theih uh ciangin Topa ompih na taktak hi, ci-in Topa min a phat ciat uh hi.

Tua mual tung khua panin a ciah zawh uh a sawt lo-in Armi phone tawh kihopih a, acilin Army in a maw gin mawkmawksa-in a phone a len pak nuam kei hi. Tawlkhat khit ciangin a len pan hi. Army in tua mual tung nupi kibawl zia ding a dot mi khat om a, tua mipa in Army a hopihna ahi hi. Army in “Topa aw, lungdam ing. A kizam mite ka huh theih nading lam hong hilh mi nei ka hih manin nangma nong ompihna hi, ci-in Topa tungah lungdam a ko hi.

Armi tawh a kiho mipa in nurse khat hopih dingin a phone No pia-in, Army in zong manlang takin tua nurse a hopihpah hi. Hoih takin kiho thei uh a, Army in a thu dan teng genin nurse in tua bang meimate puahzia ding a phone pan in a hilh hi.

Tua khit ciangin gu dalna zatui namkhat a nek ding le a sut ding a pulaak hi. Tua bangin a kiho laitak un phone line kia hi mah taleh a bawlzia ding teng kigen khin thei uh hi. Kha nih sung tua bangin Army in kibawlzia ding a hilh dan mahin nupi nu in zong kibawl a, zatui tawh kibawl bek tham lo-in thungetna tawh a thua thei uh hi.

Thungen dingin a kisawl ciang in tua nu in “Kua tungah ngen ding ka hiam? ci-in a dong hi. “Zeisu tungah thungen in” ci-in Army in a dawngkik hi. Army in Zeisu thu thei ngeilo ahih manin Zeisu tang thute a hilhhilh hi. “Zeisu in cinate damsakin dawivei mite zong a dam sakna thu le itna tawh kidim ahihna thu a zak ciangin Zeisu thu a theihbeh nuam semsem hi. Army le a lawmte in “Tua nu tungah Zeisu tungah na nuntakna kipia lecin Amah in na kitangsapna khempeuh hong sikh hong pia ding a, lungnop khamuan na na ngah ding hi, ci-in a nuntak na khempeuh Zeisu tungah kipia ding in a hanthhawn uh hi.

Hih mual tung khua-ah bang mah kingah zo lo ahiah manin Army le a lawmte in zatui a kipan nek theih tuamtumte zong a puak zel thei uh hi. Hih mual tung khua-ah pawl sang khat zong a kipan thei uh hi. Naupangnote tungah Zeisu thute hilhin, Pasion phatna late zong a hilh uh hi.

Tawl khat khit ciangin Army le a lawmte hih mual tung khua-ah a pai kik uh hi. Hun khat lai-in a dam lo nupi nu damsangin a inn mai-ah ding amuh uh ciangin Army a khitui luang hi. Tua nu in kum 7 tawntung lampai thei lo-in a omcip khat hi. Bangci bangin dam na hiam, ci-in a kidot ciangin “Thu ka ngen tawn tung hi. Zeisu in hong damsak hi,” ci-in a pulaak hi.

Zeisu ka theih loh hangin Amah in ka thungetna hong dawng hi, ci-in a damna hangin Zeisu a pulaak thei hi. Army le a lawmte in “Na nuntak laiteng Zeisu bek na um ding a, Ama na bek na sem ding hi, ci-in a hanthawn uh hi. Tua bangin damna a ngah tak ciangin a khuapih mite in zong lamdangsa mahmah uh hi.


Tua bangin hot khatna thu a za ngei nailo mun tuam tuamte-ah a pai nadingun nai 12- 14 sung bang vanleng tuan kul a, khua khat le khua khat kikawm nading hamsa mahmah hi. Mun khatkhatte-ah kikhopna biakinn a nai pen zong nai 8 bang khe tawh pai kul hi. Tua nu

in lamdang takin a damna thu khua khat khit khua khatah pai-in Zeisu damsakna thu a pulaak kawikawi hi. “Kei hong damsakpa bia dingin ka pai kul hi. Biakinn gamla taleh ka pai veve ding hi, ci-in a pulaak hi. Amah bek mah ka bia ding hi. Tua bangin damna a ngahna tungtawnin a tate 4 zong tua mual tung pawl sangah sangkaksak hi. Hih sang inn panin a kihilh thute in naupangte khantoh theih nading, cidam nading thu bek tham lo-in gamtat zia le tong hoih ding cihte kihilhina kipantahna sang inn khat ahi hi. Hih sangah a kah naupang tampite in tu-in SDA upna sungah a lut khangno tampi om hi.

I biak Pasion in na khempueh bawl thei, sem thei hi. Amah i muan ding a kism ahi hi. Hun khat lai-in SDA thu um khat zong a om lohna khua-ah tu-in thu-um tampi hong om theihna bek tham lo-in pawl sang zong kikoih thei ahiah nate i ngaihsut ciangin Pasion om pihna hi, cih ding simloh thudang puehmah om lo hi.

Tu quarter Sabbath 13na sumpi in Papua Adventist College ah kipuak ding a, college puah nadingin kizek ding hi. Classroom ding le laibu saal behlap ding kism hi.

Nung Sabbath i kizaksak bang mahin sumpi khat ngei a zah thum khia dingin kiging ciat tek dingin i kihanthawn hi. Topa Pasion in thu pha hong pia ta hen.



SOUTHERN ASIA - PACIFIC DIVISION

UNION	CHURCHES	COMPANIES	MEMBERSHIP	POPULATION
Central Philippine	1,404	576	219,955	30,039,305
East Indonesia	1,033	137	130,441	15,946,559
Malaysia	303	157	60,801	33,849,000
Myanmar	246	95	37,741	55,425,000
North Philippine	1,631	459	404,500	49,834,717
Southeastern Asia	93	305	39,512	189,398,000
Southeastern Philippine	1,294	759	406,549	18,753,908
Southwestern Philippine	1,128	568	281,877	18,709,070
West Indonesia	917	323	100,326	262,749,441
Attached Fields				
Singapore Conference	7	0	3,437	5,826,000
Timor-Leste Mission	2	2	812	1,361,000
TOTAL	8,058	3,381	1,685,951	681,892,000

PROJECTS

- 1** Preschool, Myanmar, Union Adventist Seminary, Myaingmya, Myanmar
- 2** Life Hope Center, Yangon, Myanmar
- 3** Health Clinic, Brunei
- 4** Papua Adventist Theology College, Nabire, Indonesia